



"REGIONALNA DEPONIJA MOŠĆANICA" d.o.o. ZENICA
Moščanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: regdepze@bih.net.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-380/21
Zenica: 21.06.2021. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 35. Statuta Privrednog društva „Regionalna deponija Moščanica“ d.o.o. Zenica a na preporuku Komisije za javnu nabavku, imenovane Odlukom, broj: 02-83/21 od 16.02.2021. godine u konkurentskom postupku nabavke „Nabavka kamene frakcije“, direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) donio je:

O D L U K U
o izboru najpovoljnijeg ponuđača i dodjeli okvirnog sporazuma za
“nabavku kamene frakcije”

Član 1.

Prihvata se preporuka Komisije za javnu nabavku, broj: 02-379/21 od 21.06.2021.godine i Okvirni sporazum za “Nabavku kamene frakcije”, dodjeljuje se ponuđaču DRVOREZ D.O.O. HADŽIĆI na osnovu njegove ponude, broj 02/21 od 02.03.2021.godine, i to za ponudenu cijenu od 14.000,00 bez PDV-a, kao najbolje ocijenjenom.

Član 2.

Prijedlog okvirnog sporazuma dostaviti će se na potpis izabranom ponuđaču **DRVOREZ D.O.O. HADŽIĆI** najkasnije u roku od 10 dana, računajući od dana od kada je obaviješten o izboru najpovoljnije ponude.

Član 3.

Ova odluka objavit će se na web-stranici Ugovornog organa (www.rdm.ba) istovremeno sa upućivanjem primjerka odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostaviti će se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o Ź e n j e

Postupak javne nabavke “Kamene frakcije” za potrebe Ugovornog organa pokrenut je Odlukom o pokretanju postupka javne nabavke, broj: 02-82/21 od 16.02.2021. godine.

Javna nabavka je planirana u Planu javnih nabavki za 2021. godinu i evidentirana je u istom pod rednim brojem 1.

Procijenjena ukupna vrijednost javne nabavke bez PDV-a je 30.000,00 KM. Okvirni sporazum se zaključuje na period do dvije godine.

Javna nabavka je provedena konkurentskim zahtjevom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude.

Dana, 17.02.2021.godine na portalu javnih nabavki (www.ejn.gov.ba) je objavljeno Obavještenje o nabavci, broj: 362-7-1-45-3-4/21.

Komisija za javnu nabavku imenovana je Odlukom direktora Ugovornog organa, broj: 02-83/21 od 16.02.2021. godine.

Dana, 08.03.2021.godine Komisija za javnu nabavku je dostavila Zapisnik o ocjeni ponuda, broj: 02-139/21 od 08.03.2021. godine u postupku javne nabavke "Nabavka kamene frakcije".

U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Na osnovu toga, utvrđeno je sljedeće:

- da su ukupno dostavljene četiri (4) ponude,
- da su blagovremeno zaprimljene četiri (4) ponude,
- da nije bilo neblagovremeno zaprimljenih ponuda,

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njihove validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama, odnosno pripadajućim podzakonskim aktima.

Na osnovu toga, Komisija je utvrdila da GRUPA PONUĐAČA: ALI & VIS D.O.O. KREŠEVO i MILIČEVIĆ D.O.O. KREŠEVO su navedeni na koverti u kojoj je dostavljena zajednička ponuda. U skladu s tim, konstatovano je da ova dva preduzeća nastupaju kao grupa ponuđača. Međutim, u ponudi koja je dostavljena Komisija je utvrdila sljedeće:

- Nije dostavljena Izjava grupe ponuđača – punomoć, o ovlaštenom predstavniku grupe ponuđača i ovlaštenim licima za komunikaciju i potpis ugovora a što je traženo tačkom 15. i 16. Tenderske dokumentacije,
- Nedostaju podaci o svakom članu grupe ponuđača: naziv i sjedište, adresa, IDB/JIB ili nacionalni identifikacijski broj prema zemlji sjedišta privrednog subjekta, broj računa, navod o tome je li član grupe ponuđača u sistemu PDV-a ili ne, adresa za dostavu pošte, kontakt osoba člana grupe ponuđača, broj telefona i broj telefaksa, uz obaveznu naznaku člana grupe ponuđača koji je ovlašten za komunikaciju s Ugovornim organom, a što je traženo tačkom 16. Tenderskog dokumenta,
- Nedostaje podatak u samoj ponudi koji je ponuđač nosilac ponude/predstavnik grupe ponuđača a što je traženo tačkom 16 Tenderskog dokumenta,
- U zajedničkoj ponudi nedostaje podatak o tome, koji će dio ugovora o javnoj nabavci (predmet, količina, vrijednost i postotni dio) izvršavati pojedini član grupe ponuđača a što je traženo tačkom 16. Tenderske dokumentacije,
- U zajedničkoj ponudi nedostaje dokaz za sposobnost obavljanja profesionalne djelatnosti (član 46. Zakona) za člana grupe ponuđača MILIČEVIĆ D.O.O. KREŠEVO a što je traženo tačkom 10.2. Tenderskog dokumenta,
- U zajedničkoj ponudi nisu popunjeni obrasci aneksi prema šemi koja je zadata u smislu da je bilo potrebno navesti da je ponuđač grupa ponuđača koju čine predstavnik grupe ponuđača ALI & VIS D.O.O. KREŠEVO i član grupe ponuđača MILIČEVIĆ D.O.O. KREŠEVO, a što je traženo Tenderskom dokumentacijom.

Na osnovu naprijed navedenih činjenica, Komisija je utvrdila da ponuda GRUPE PONUĐAČA: ALI & VIS D.O.O. KREŠEVO i MILIČEVIĆ D.O.O. KREŠEVO ima ozbiljne nedostatke zbog kojih je Komisija ocijenila da se ova ponuda treba odbaciti kao neprihvatljiva.

Pored toga, Komisija je na osnovu cijena navedenih u ponudama utvrdila da cijena ponude ponuđača DRVOREZ D.O.O. HADŽIĆI ima elemente neprirodno niske cijene jer je cijena te ponude 14.000,00 KM bez PDV-a za više od 50% niža od prosječne cijene preostalih ponuda. U tom smislu, dana 02.03.2021. godine upućen je dopis broj 02-121/21 sa zahtjevom ponuđaču "DRVOREZ" D.O.O. HADŽIĆI da u skladu sa članom 66. Zakona o javnim nabavkama BiH i tačkom 40. tenderske dokumentacije opravda ponuđenu cijenu.

U ostavljenom roku, ponuđač "DRVOREZ" D.O.O. HADŽIĆI je dana 04.03.2021. godine dostavio obrazloženje svoje cijene. U tom smislu, dostavljena je ponuda njegovog dobavljača "FOREST M" D.O.O. MOSTAR gdje je navedeno da cijena kamene frakcije granulacije 100-150 mm iznosi 10,00 KM/m³ bez PDV-a, dok cijena kamene frakcije granulacije 16-32 mm iznosi 8,00 KM/m³ bez PDV-a, te je mjesto isporuke navedena adresa Sastavci bb, Hadžići gdje je sjedište ponuđača "DRVOREZ" D.O.O. HADŽIĆI. U tom dijelu ponuđač "DRVOREZ" D.O.O. HADŽIĆI je opravdao svoju nabavnu cijenu. Međutim, ono što je Komisija smatrala je da je predmetni ponuđač propustio da dostavi detaljne informacije o ostalim relevantnim sastavnim elementima ponude, uključujući sve elemente cijene kako je to traženo dopisom odnosno članom 66. Zakona o javnim nabavkama.

U tom smislu, u ponudi ponuđača "DRVOREZ" D.O.O. HADŽIĆI prema ovom Ugovornom organu je navedena cijena za kamenu frakciju granulacije 100-150 mm u iznosu od 12,00 KM/m³ bez PDV-a, dok cijena kamene frakcije granulacije 16-32 mm u iznosu od 10,00 KM/m³ bez PDV-a.

Ponuđač "DRVOREZ" D.O.O. HADŽIĆI nije pojasnio ovom Ugovornom organu razliku od nabavne cijene do cijene prema ovom Ugovornom organu u iznosu od 2,00 KM/m³ bez PDV-a šta ona sve sadrži nego je između ostalog pojasnio da u cilju poslovanja sa ugovornim organom, razvijanja uspješne poslovne saradnje, očuvanja radnih mjesta svojih radnika, robu nude sa minimalnom zaradom.

U navedenom obrazloženju Komisija Ugovornog organa nije dobila kvantificirano u KM šta su troškovi transporta, goriva, guma, radne snage, maziva, potrošnih materijala i na kraju zarade. U skladu sa članom 66. Zakona o javnim nabavkama i tačkom 40. tenderske dokumentacije Ugovorni organ je proglasio ponudu ponuđača "DRVOREZ" D.O.O. HADŽIĆI neprihvatljivom.

Komisija je ocijenila da su ponude ponuđača TRGOŠPED D.O.O. KAKANJ i KOMGRAD-ZE D.O.O. ZENICA prihvatljive, da ispunjavaju sve formalno-pravne uslove i da se mogu unijeti u sistem e-aukcije. Konstatovano je da su oba ponuđača dostavila validan dokaz o preferencijalnom tretmanu domaćeg ponuđača.

Nakon izvršene analize ponuda, izvršeno je rangiranje ponuda ponuđača. U tabeli je dat pregled ponuđenih cijena za predmetnu nabavku i rangiranje ponuđača po kriteriju "najniža cijena" prije e-aukcije, kako slijedi:

Rang	Naziv ponuđača	Ponuđena cijena (bez PDV-a) u KM
1.	TRGOŠPED D.O.O. KAKANJ	30.000,00
2.	KOMGRAD-ZE D.O.O. ZENICA	41.400,00

Na osnovu toga, zakazana je e-aukcija na dan 08.03.2021. godine sa početkom u 11:00 sati. U toku e-aukcije nije bilo podnošenja ponuda te je rang lista ponuđača ostala nepromijenjena, kako slijedi:

Rang	Naziv ponuđača	Ponuđena cijena (bez PDV-a) u KM
1.	TRGOŠPED D.O.O. KAKANJ	30.000,00
2.	KOMGRAD-ZE D.O.O. ZENICA	41.400,00

Nakon toga, donesena je Odluka o dodjeli okvirnog sporazuma broj 02-140/21 od 08.03.2021. godine ponuđaču TRGOŠPED D.O.O. KAKANJ za nabavku kamene frakcije.

Nezadovoljni navedenom Odlukom, ponuđači ALI & VIS D.O.O. KREŠEVO i DRVOREZ D.O.O. HADŽIĆI su dostavili svoje žalbe, koje je Ugovorni organ prosljedio Uredu za razmatranje žalbi BiH na dalje postupanje i odlučivanje po istima. Na osnovu zaprimljenih žalbi, Ugovorni organ je u skladu sa članom 110. obustavio postupak javne nabavke.

U svojoj žalbi, ponuđač ALI & VIS D.O.O. KREŠEVO je priznao da je napravio propust u pripremi svoje ponude na način da je na koverti greškom navedeno da ponudu podnosi grupa ponuđača a ne ponuđač ALI & VIS D.O.O. KREŠEVO samostalno obrazlažući to da je učesnik velikog broja postupaka javnih nabavki u kojima podnosi ponude.

Imajući u vidu odredbe Zakona o javnim nabavkama, Tenderske dokumentacije i onoga što je dostavljeno u ponudi, Komisija Ugovornog organa je smatrala da se radi o propustu zbog kojeg se ponuda odbacuje što je detaljno pojašnjeno u Izjašnjenju na žalbene navode broj 02-185/21 od 22.03.2021. godine.

Ured za razmatranje žalbi BiH je dana 03.06.2021. godine donio svoje Rješenje broj JN2-03-07-1-853-8/21 kojim je usvojio žalbu ponuđača ALI & VIS D.O.O. KREŠEVO ocijenivši da je propust koji je ponuđač uradio manji propust te da je njegova ponuda prihvatljiva.

Također, ponuđač DRVOREZ D.O.O. HADŽIĆI je dostavio svoju žalbu ovom Ugovornom organu u kojem podcrtava da je pojasnio svoju nabavnu cijenu i da nabavna cijena robe ima procentualno najveće učešće u cijeni ponuđene robe te za preostali iznos je navedeno da se radi o minimalnoj zaradi. Također, je navedeno da Žalitelj "nema troškova" jer se radi o usputnoj turi jer za potrebe poslovnog partnera radi transport na relaciji Zenica – Kreševo pa transportna vozila saobraćaju prazna prema Zenici. Osim toga, u žalbi je navedeno da je Ugovorni organ propustio da ispita neprirodno nisku cijenu u odnosu ponuđača TRGOŠPED D.O.O. KAKANJ i KOMGRAD-ZE D.O.O. ZENICA.

U tom smislu Komisija Ugovornog organa je utvrdila neprirodno nisku cijenu te je zatražila od ponuđača TRGOŠPED D.O.O. KAKANJ pojašnjenje njegove cijene. Na osnovu toga, ponuđač TRGOŠPED D.O.O. KAKANJ je dostavio detaljno obrazloženje svoje cijene navodeći pojedinačno cijene koštanja radne snage, mašina, goriva, guma itd. Na osnovu toga, Komisija je uputila Uredu za razmatranje žalbi BiH svoje izjašnjenje na Žalbu, broj 02-184/21 od 22.03.2021. godine.

Međutim, Ured za razmatranje žalbi BiH je dana 03.06.2021. godine donio svoje Rješenje broj JN2-03-07-1-852-8/21 kojim je usvojio žalbu ponuđača ocijenivši da je ponuđač "Drvorez" d.o.o. Hadžići opravdao svoju neprirodno nisku cijenu, te da je njegova ponuda prihvatljiva.

Na osnovu toga, Ugovorni organ je kontaktirao putem kontakt forme Agenciju za javne nabavke BiH da zakaže e-aukciju. Dana 21.06.2021. godine u 10:00 sati zakazana je e-aukcija.

U tabeli je dat pregled ponuđenih cijena za predmetnu nabavku i rangiranje ponuđača po kriteriju "najniža cijena" prije e-aukcije, kako slijedi:

Rang	Naziv ponuđača	Ponuđena cijena (bez PDV-a) u KM
1.	DRVOREZ D.O.O. HADŽIĆI	14.000,00
2.	ALI & VIS D.O.O. KREŠEVO	27.540,00
3.	TRGOŠPED D.O.O. KAKANJ	30.000,00
4.	KOMGRAD-ZE D.O.O. ZENICA	41.400,00

U toku e-aukcije nije bilo podnošenja ponuda te je rang lista ponuđača ostala nepromijenjena.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema Odluke.



Direktor

Adnan Šabani, Bsc.

Dostaviti:

- 1x Ponuđaču: TRGOŠPED D.O.O. KAKANJ
- 1x Ponuđaču: DRVOREZ D.O.O. HADŽIĆI
- 1x Ponuđaču: ALI & VIS D.O.O. KREŠEVO
- 1x Ponuđaču: KOMGRAD-ZE D.O.O. ZENICA
- 1x a/a